

INS-A004-ELECTRONIC RESOURCES: STUDENT ACCEPTABLE USE

ADMINISTRATIVE POLICY

INSTRUCTION

SUMMARY

Ewe Kinikinin Sukuun Salem-Keizer a fokkun ëucheani än chon sukuun me sense repwe nöünöü ekkewe pisek ika kompiuter minne epwe murinnönó ar käeö me osukuun. Inamwo ika ekkewe pisek fifi mei mwumwuta won pwünün sukuun, nge sia chok mochen ach sipwe ënükünükü pwe chon sukuun meinsin repwe käeö non ew neni esapw wor osukosuk non.

AWEWEN FOOS

CIPA

Children's Internet Protection Act: Ew önnukun mwuunap ewe a ketiw meren congress (kangküres), ra awora faniten än sam me iin repwe otoura met aar memmef ika pwe nöür kewe semirit ika chon sukuun re tonong won ekkewe pekin ika neni mei ngaw me won nöür kewe kompiuter non sukuun me library.

Electronic Resources (Poraus mei Kawor Won Kompiuter)

Ei Kinikin mei awora ekkei, nge esapw chok ikkei, ren chowean, computer, tablet, smart phone, peripheral, network, email, telecommunication, me connect ngeni internet. Pwan aninis me account mei för faniten asaimen chon sukuun iir mei tongeni äeä me non imwer fengen me pwan non sukuun.

Independent Communication (Pusin Poraus won Omw)

Poraus ika aporaus ese menei an epwe pwan wor chon chiaku ren iö we esapw pwan chon ewe aporaus nge mei tongeni an epwe menei an epwe nöünöü ekkewe mecha fifi an epwe anisi.

Personal Electronic Devices (Pisekum (mecha fifi) won Winikapomw)

Ikkei ekkoch ekkei pisek ika mecha mei makketiw ese wor ren ei Kinikin, iPod, iPod Touch, iPhone, iPad, Android Phones, Android Tablet, Nook, Kindle, Kindle Fire, me pwan sakkun me sakkun. Ear buds me pwan sakkun headphones, iir mei nomw non tettenin mecha fifi.

EMMWEN IKA EUROUR

1. Nöünöü ekkewe kompiuter, mi ew chok feioch, nge esapw an emon pwüüng an epwe nöünöü. Ina pwata chon nöünöü, repwe föröchu ar nöünöü. Nupwen chon sukuun repwe poraus fengen online ika won ekkewe mechá, iwe repwe chok fiti ewe önnuk iir mei föri non ar class, minne mei fiti ewe District policy and procedure (Än ewe Kinikin önnuk me öüröür).
2. Ifa ussun nounoun me inet chon sukuun ra tongeni nounou ekkewe mecha fifi ika kompiuter, (ussun chok ren ekkewe cell phones) mei sakkopat, epwe chok anongonong won ewe ier mei och ngeni ewe kinikinin mwiichen ewe chon sukuun, ükükün ar nöünöü ekkei pisek mei anisi ewe nenien käeö, me ika pwe ewor osukosuk mei kawor seni än ewe chon sukuun nöünöü. Faniten eii, iwe ekkei önnuk mei makketiw fan ei, repwene nomw non ew me ew tettenin sukuun.
 - a. High Schools: Chon sukuun iir mei tongeni nöünöü cell phone non ekkewe ekkoch nenien chuffengen (äwewe, atun mwöngön neanowas), me atun aar ra no ngeni ew me ew aar kewe class non ewe ranin sukuun. Ewe sukuun epwe wisen finata än chon sukuun repwe nöünöü cell phone non class faniten aar käeö. [Katon ena 2c fan na ren ewe onnukun aea ekkewe potoun phone, ren met na mei menei chon sukuun repwe fori]
 - b. K-8: SChon sukuun iir mei tongeni nöünöü cell phone mwen me mwurin sukuun. Atun sukuun, ese mwumwu ngeni chon sukuun ar repwe nöünöü nöür kewe cell phone non class, non ekkewe nenien mwöngö, ika atun ar no ngeni ew me ew ar kewe class. Mwumwutän än chon sukuun repwe nöünöü cell phone non sukuun faniten aar käeö epwe nonomw ren ewe sukuun. Ussun chok met sikan föfföri, sipwe ereni chon sukuun pwe repwe kunuwenoi nöür kewe cell phone me isoni non aar backpack, ika non ewe ofes ika aar locker (ika mei wor). Sam me iin repwe köri ewe ofes ika pwe mei atapwanapwan aar mochen föós ngeni nöür chon sukuun.[Katon ena 2c fan na ren ewe onnukun aea ekkewe potoun phone, ren met na mei menei chon sukuun repwe fori]

- c. Ekkewe middle school me high school iir mei ää ewe napanapen tumwunun cell phone ren aar ää ekkewe potowun cell phone, ikkei met epwe fis. Ekkewe chon sukuun mei wor nür cell phone, epwe inet ngenir ekkewe potow ika nenien cell phone repwe äkkää non sukuun me non ewe ierin sukuun. Fän än sukuun nemenem, ekkewe chon sukuun repwe offei nür kewe cell phone me isoni non ekkewe potow ika nenian nupwen aar tori non ewe imwen sukuun iteiten ran. Non unusen ewe ranin sukuun, ekkewe cell phone repwe chok nónnómw non ekkewe potowun. Nupwen ewe chon sukuun a nó seni ewe sukuun murin an wër ewe säireng, ina atun epwene tongeni suuk ewe potoün phone. Chon sukuun repwe chok anamwu nür kewe cell phone non ewe rän nge repwe anamwu non aar backpack, pwes, locker me pwan sakkun me sakkun. Tiwan chok, ika pwe mei èuche ngeni än chon sukuun repwe nünü faniten aar samaw. Non ei eureur mei pwan pachonong ekkewe ear buds, smart watches, me pwan ekkewe ekkoch pisek fifi mei ussun chok ekkei.
3. Ren ekkewe chon sukuun mei mwumwu ngenir ar repwe nünü nür kewe mechä faniten aar sukuun, repwe föri pwüngün ekkewe önnuk mei kawor seni ar ewe sukuun faniten ekkewe pisek esapw pisekin sukuun, ikkei ekkoch me neiir, nünü phone ne kökkö, emails, mak, nomw won asepan ika social media, me ese pwan mwumwuta ar repwe
 - a. Ää ika pachenong nür USB, Firewire, Bluetooth, Wireless won nün ei Kinikin PC ika Laptop.
 - b. Download än ei Kinikin kewe software ika application pusin mönien ei Kinikin, won nür kewe kükkün mecha, desktops, laptop, ika pwan ekkoch pisekir mecha fifi.
 4. Ei kinikin esapw eani sekiningin tumwunun, peni, möön, taan me ika emon e sonani nün chon sukuun kewe mechä won winikaper. Ikkei met chon sukuun repwe föri ar repwe tumwunu pisekir kei:
 - a. Resapw nikitano pisekir nge rese nomw ngeni
 - b. Password a tumwunu pisekin chon sukuun kewe mechä fifi
 5. Ikkei met chon sukuun repwe fori ika pwe re nünü nün ei kinikin kewe mechä fifi, ike pusin nür won winikaper:
 - a. Chon sukuun repwe osufönu me tumwunu met aar won inisir me än ekkoch angang, me met mei mwónómwón.
 - i. Osufönu me fori önnukun ewe kinikin.
 - ii. Repwe ää ewe chok account mei kawor ngenir.
 - iii. Resapw katon, ää, ika nikkepiru ekkewe password, poraus, ika network ewe ese mwumwu ngenir.
 - iv. Resapw achöüü porausen aramas mei mwónómwón.
 - v. Resapw nünü kompiuter ren aar repwe äsäwa, osukosuka, afani, esinesin ika eniwokusu ekkoch (INS-A003).
 - vi. Resapw pwäri fetänei sasingin ika videon chon sukuun won pwünün sukuun ika won asepan ika non ekkewe nenien än aramas akkasos won asepan
 - vii. Resapw atai önnukun copyright ren aar copy-ni ekkewe kachito, music ika games ese mwumwu ngeni emon epwe nikkepiru.
 - b. Chon sukuun repwe osufönu, nünüöch me tumwunu unusöchun, kaworan, me tumwunun ekkewe kompiuter meinisin
 - i. Föri meinisin ekkewe önnukun tumwunun nenien aporaus fengen ussun met mei makketiw non taropwe me iir mei pusin rongeseni chon angangen ewe Kinikin.
 - ii. Repotei ngeni chon angang ika en mei kuna chon osukosuka me atai önnukun ekkewe kompiuter.
 - iii. Resapw atai poraus, network, kompiuter, peripherals, me pwan ekkoch pisekin aninis.
 - iv. Nünü chok ekkewe kompiuter mei kawor ngeni chon sukuun aar repwe nünü, kosapw pwan nünü nün sense kewe ika pwe kose angei mwumwutän.
 - c. Chon sukuun repwe repotei ngeni ewe chon angang ika pwe mei wor ekkewe mettoch mei eniwokus ika aosukosuk.
 - i. Resapw ää ekkewe napanap ika aan, ekkewe service, ika website mei atai ewe önnuk CIPA ika District policy (ussun chok ren, proxy avoidance).
 - ii. Resapw angei, passini fetänei, nikkepiru, ika för met mei atai ewe Student Rights and Responsibilities ika District policy.
 - iii. Resapw angei, tiini, nikkepiru, ika för poraus mei atai önnuk, ikkei ekkoch me neiir- chowean pwuken niosun seneno, sonai förien emon pwuuk, ika angei seni ekkewe kompeni ika neni ese mwumwutä än emon epwe angei (copyright).
 - iv. Resapw nünü ekkewe pisek fifi faniten och popun mei atai önnuk, awewe chok, tonong non an epwe atai ika ekkesiwini masowen en kompiuter, ika atai ewe District policy.
 - v. Resapw send ekkewe poraus ese wor popun ika ese öch, ekkewe poraus mei echimwa aramas repwe kapini ra pwan tiini ngeni ekkoch, ika, ekkewe ekkoch poraus mei nakatatam ese namot.
 - vi. Resapw kamö, amömö, esinesin fetan porausen ekkewe pisek, ika fen fori angangen business wor, chinón chok ika pwe mei mwumwuta seni emon chon angangen sukuun pwe ew an sukuun project.
 6. Mei tongeni an epwe wor öpwüngün ika köpwüng fän pwüngün önnuk än emon atai ei önnuk..
 7. Fän pwüngün önnukun Mwuunap, ei kinikin mei awora ew anen anneta ekkewe neni ese namot won ekkewe kompiuter online, an epwe tumwunu ekkewe semirit seni ekkewe poraus mei ngaw ussun metewe ewe Children's Internet Protection Act mei önnuku.
 8. Ika pwe ewe Kinikin mei ää ew pekin sukuun mei menei nünü technology, iwe chon sukuun mei tongeni aar repwe nünou nün ei kinikin kewe kompiuter ika fen mwumwu ngenir aar repwe pusin nünü nür kewe mecha nge resapw pwan moni aar repwe nünou menni kompiuter ika mecha fifi ika app ar repwe angei ewe sukuun ika nesen.

a. Ika pwe ese mwumwu ngeni emon chon sukuun an pwüüŋ an epwe nöünöü pusin nöün pisek ika mecha fifi an epwe angei ewe sukuun ika nesen, ussun met mei affat me non ena Kinikin 11 me non ei önnuk, iwe mei tongeni an epwe ämmweta ngeni ewe principal ika iowe a kefinita met ena a pwüŋüno ngeni

9. Ei önnuk mei nomw won än ei kinikin we website epwe kawor ngeni ewe chon angang mei weweöch ngeni, sam me iin/ewe chon tumwun mei mwumwutä me fän önnuk, me chon sukuun

MEI NAMOT NGENI

Chon Sukuun Meininis

EKKEWE TAROPWE MEI PWAN WEWE NGENI EI

Discipline Students - INS-P028

Internet Filtering - TIS-A004

Rights and Responsibilities – INS-M001

School Registration - INS-F003

Student Personal Equipment Use Waiver - STS-F071

Student Technicians Confidentiality Agreement - TIS-F022

Student User Agreement for Assigned District Electronic Resources - INS-F045

MWUMWUTA SENI

Deputy Superintendent

PORAUSEN AN SIIWIN

10/20/15 – Removed language prohibiting connecting to the district's network.

7/15/22 – Updated tech usage to be more current; changed usage by level.

10/30/24 – Updated 2(c) to include language around cell phone pouches.